

221509

III

Mag. St. Dr.

kat. komp.

L I T E R Æ
EXCELLENTISSIMI DOMINI
JOSEPHI COMITIS
G A R A M P I
IN REGNO POLONIÆ NUNTII APOSTOLICI

Scriptæ ad Venerabile Capitulum Provinciale Congregationis
Scholarum Piarum Congregatum Goræ

Die 31. Julii Anno Dni 1774



221509/10

Ignoratum Paternitatibus Vestris esse non potest, quanta sollicitudine pro Congregationis Vestre utilitate præcipue afficiar, quanta exclamatione compectar Illustres, qui in ea sunt, viros; quanta demum veneratione ferar erga Sanctum Institutorem, qui tanto cum ornamento Religiosæ ac Literariæ Educationis jecit ejusdem Congregationis fundamenta. Vehementius verò sollicitus sum ex horum temporum iniquitate, quibus infusa pene motum licentia, quæ huc illuc altè latequæ etiam per Catholicos serpit, convellendam famam & auctoritatem curat Ecclesiæ Ministrorum, ex quibus potissimum pender pietatis ac Religionis propagatio. Inter hos autem eos vel pios Ordines recensere, quæ humilitate, orationis studio, solitudine, animarum zelo, sanisque doctrinis utiles se reddunt proximorum adificationi. Ea igitur causæ quibus me Instituto vestro devinctissimum esse profiteor, ac propterea Deum Optimum Maximum sine intermissione precor, ut omnes & singuli ejus individui ad vocationis suæ Spiritum se magis in dies magisque conforment, omnibusque spoliati terrenis affectionibus, ac secularibus curis eum unice sequantur.

Verum præcipuo quodam dolore angor, cum mihi observatur ante oculos quorundam vestrorum Collegarum numerus, qui propriis magis commodis quam sustinendo in Vineâ Domini labori studentes, ex Instituto Vestro se subducere importune conantur. Ego vero & hortari & monere in omni patientia ac doctrina, atque etiam liberius accusare & arguere non desisti, neque adhuc desisto hujusmodi homines, qui Religiosæ disciplinæ intolerantia quarunt ex ovili Vestro discedere.

Mihi verò, sinite RR. Patres, ut nunc discedam ad Vobis communicandam meorum sensuum rationem ea libertate, quæ mihi ex Ministerii mei munere maximè licet. Ac primum non me præterit quemcunque Religiosum virum illud Apostoli præceptum: Obedite Præpositis vestris, atque item: Filii obedite &c. ante oculos perpetuo habere debere; verum & iis, qui inferioribus præsunt aliud recolendum esse præceptum: Et vos Patres, nolite ad iracundiam provocare Filios vestros, sed educate illos in disciplina & correptione Domini. Itaque nulla Religiosa familia florere unquam poterit, nisi eodem tempore mutua ac fraterna existat officiorum communicatio inter Superiores atque inferiores, Patres inter & Filios. Debent Superiores omni ope ac studio disciplinam tueri; sed tamquam firmiores, tenentur imbecillitatem quoque infirmorum suscipere. Ipsi debent esse non ut dominantes in Cleris, sed ut Patres benevoli, in Corona Filiorum suorum. Debent præluere aliis verbo & exemplo, ministrare non ministrari, nec dure imperare; sed fraternè suadere, ac religiosæ obedientiæ Spiritum opportunis exhortationibus instillare.

Vos igitur potissimum alloquor, qui ad gubernacula sedetis, qui neque hujusmodi fortasse consiliis indigeris, sed vos scire volo causam, quam homines disciplinæ fortasse impatientes præferunt, fere esse duritiam atque inclementiam, qua ab aliquo imprudenti Superiore aliquando tractantur. Hinc vero non omnes, qui adhuc præferunt Superiores accusandos intelligo; sed pro vestro judicio ac prudentia optime videtis RR. PP. quo majores esse his temporibus inimici hominis fraudes atque insidias in vestrum detrimentum, eò accuratorem vigilantiam vestram ad omnem ei aditum præcludendum, esse debere.

Nunc

Teolog. 7050



Nunc igitur cum simul inter vos coaveritis ad actionem quacunque alia opportu-
nitatem exercendam ad vestri Instituti Conservationem, sicut esse debet omnium Superiorum
ac Prepositorum in hac vestra Provincia Electio, isthinc omnino absit, quemadmodum mihi
dubium non est, omnis ambitio, quacunque humana affectio, nec cupiditas, nec par-
tium detestabile studium locum ullum habeat. Adcurate in singulis Candidatis perpen-
dantur morum integritas, zelus, ac exercitium exactioris disciplinæ, peritia Literarum ac
præsertim Sacrarum, sine quibus, ac sine vera pietate aliæ scientiæ esse possent potius
lapis offensivus in destructionem, quam angularis ad ædificationem. Ille tandem quærat, qui
præter memoratas dotes, dexteritate etiam polleat ac prudentia in rebus agendis; sed
prudentia semper secundum Deum, nunquam verò secundum carnem. Gravissima igitur
est huiusmodi actio, quam modo aggredimini RR. Patres, tam quod cuiuslibet consci-
entia maxime oneraretur, nisi omni sollicitudine ac diligentia gereretur.

Habenda idcirco sunt ante oculos, quæ PP. Tridentinæ Synodi Divino Spiritu Congre-
gati pronuntiarunt, eos scilicet alienis peccatis communicantes mortaliter peccare, nisi quos
digniores & Ecclesiæ magis utiles ipsi iudicaverint, non quidem precibus vel humano affectu
vel ambigentiis suggestionibus, sed eorum exigentibus meritis præfici diligenter curaverint.

Meis autem huiusmodi monitionibus, quas vestra ipsa Religiosa vocatio vobis abunde
suggerit, non indigere Vos arbitror RR. Patres. Itaque nihil mihi aliud superest, quam
vobis significare, quam partem in hac actione suscipiam, ut omnia rite ac secundum ordinem
in Domino fiant.

Futuris verò Superioribus commendare studiose debetis, ut dignè ambulent vocatione,
quæ vacati erunt Ephes. 4. ut ceteros prompta Regularium præscriptionum executione præsentent,
ut diligenter invigilent, ne quis ex usitatis in Congregatione exercitationibus fraudulenter se
subtrahat, ut currentes in bonam Semitam optimis consilijs ac benignis monitionibus quo ad
fieri potest reducant, ut frequenter suos subditos moneant, ne se immisceant in curis Sæ-
cularibus, utque tandem ad Scholarum conservationem, quæ sunt prima vestri Instituti fun-
damenta, animum seriò applicent. Sed illud apprimè est animadvertendum, ut Scholæ vestræ
assiduam præferant Juventutis Institutionem, tam in Religionis Catholice Rudimentis, quam
in Bonis moribus ac pietate. Quod enim dedecus, quæ infamæ nota posset Congregationi
vestræ inuri? si Juvenes qui ex Scholis vel Collegiis vestris egrederentur, religionis, morumque
officia ignorare viderentur, si Libros seductores, suspectos ac perversos, magis noscerent
& amarent, quam Religionis & Xnæ Moralis fundamenta? Id verò ne unquam contingat,
in Dno vehementer confido, quod quidem Divina Benignitate unquam contingeret, si in præ-
senti actione, magna sane & gravi unus quisque vestrum humanis renunciatis affectionibus,
quorum impulsione obnoxia quæque aliquando sunt Religiosorum Corda, hominem verè Re-
ligiosum induat, in iustitia & Sanctitatis veritatis. De cetero quacunque sunt vera, quacun-
que iusta, quacunque Sancta, quacunque amabilia, quacunque bonæ famæ, si qua virtus
si quæ laus disciplinæ, hæc cogitate. Quæ didicistis & accepistis & audistis, hæc agite & De-
us pacis erit vobiscum. [Philip 4. 8.] à quo PP. vestris fausta omnia ac salutaria ex ani-
m oapprecor.



Biblioteka Jagiellońska



stdr0023502

